

*Comune di Cabras*

*Provincia di Oristano*



*Comuni de Crabas*

*Provincia de Aristanis*

**ORDINÀNTZIA N. 73 DEL 19/08/2020**

**PROT. N°18826**

## **ÀREA 5 - POLITZIA LOCALI SUAPE**

**OGETU:           REGOLAMENTAZIONI DE SA VIABILIDADI IN LOCALIDADI MARINA DE IS ARUTTAS**

**VISADU** su decretu de su Sìndigu n. 30 de su 22.05.2019 de nòmina de sa sutascrita a Responsàbili de s'Àrea 5 Politzia locali-Suape;

**PREMÌTIU CA** s'Amministratzioni comunali tenit intra de is punnas suas sa smèngua de is efetus malus dèpius a sa circulatzioni stradali prusatotu in s'istadiabi, e su de amellorai su gosamentu turisticu de sa costera;

**AVERIGUAU CA** po custa arraxoni est netzessàriu a proibiri su parchègiu chi no est arregulamentau a s'oru de sa strada, chi portat a intasamentu e arrallentamentus;

**RILEVAU CA** regulamentai sa sosta aintru a s'Àrea marina de Is Aruttas est netzessàriu po garantessi cunditionis de siguresa e su respetu de is diretivas de sa protetzioni tzivili, prusatotu po su chi pertocat sa preventzioni e sa gherra a su fogu;

**CUNFIRMAU CA** est duncas netzessàriu pigai àteru provedimentus po regulamentai su tràficu, po limidai s'esercìtziu de sa sosta sena cuntrollu e cunsideradau ca argunas stradas sunt strintas meda po permitiri su passàgiu de tzertas veturas comentu a autocaravan e camper chi po mori de sa mannesa issoru e de is caraterísticas de sa strada iant a podi tènniri dificultadi a passai;

**IN PRUS RITÈNNIU NETZESSÀRIU**, po assigurai una gestioni cuntzertada de su scurriri de su tràficu in sa localidadi marina de Is Aruttas:

- **Proibiri su trànsitu (fig. II 46 art. 116 Reg. Es. C.d.S.) a is autocaravan, camper e roulotte prus o mancu a su km 5,00 de sa ex sp n° 59, localidadi marina de is Aruttas, inui ddu at s'intrada a su parchègiu apamentau (comenti narat sa sinnaletica) in diretzioni de màrcia bardoni "Su Budroni" – "Tanca Muras";**
- **Pònniri una proibizioni de firmada (fig. II 46 art. 116 Reg. Es. C.d.S.) po totu is**

**màchinas in s'oru de sa strada sterrada prus o mancu a su km 5,00 de sa Ex Sp. 59 e po àterus 150 metrus sighendi n diretzioni bardoni "SU BUDRONI" cara a Tanca Muras, comentu in sa sinnalètica;**

**Visadu su Còdixi de sa Strada, D.Lgs n° 285 de su 30.04.1992 e is modìficas afatantis;**

**Visadu su Regulamentu de Esecuzioni de su Còdixi de sa Strada, D.P.R. n° 495 de su 16.12.1992 e e is modìficas afatantis;**

**Visadu su D. lgs n° 267/2000, Testu Ùnicu de is Entis Localis, e is modìficas afatantis;**

**Pigau a cunsideru de depi providiri;**

**po is arraxonis acraradas asuba**

#### **ORDINAT**

- **De proibiri su trànsitu (fig. II 46 art. 116 Reg. Es. C.d.S.) a is autocaravan, camper e roulotte prus o mancu a su km 5,00 de sa ex sp n° 59, localidadi marina de is Aruttas, inui ddu at s'intrada a su parchègiu apamentau( comentu narat sa sinnalètica) in diretzioni de màrcia bardoni "Su Budroni" – "Tanca Muras";**
- **Pònniri una proibizioni de firmada (fig. II 46 art. 116 Reg. Es. C.d.S.) po totu is màchinas in s'oru de sa strada sterrada prus o mancu a su km 5,00 de sa Ex Sp. 59 e po àterus 150 metrus sighendi n diretzioni bardoni "SU BUDRONI" cara a Tanca Muras, comentu in sa sinnalètica;**

Totu is dispositzioni in vigori ainnantis de custa ordinàntzia non balint prus.

Custa Ordinàntzia at a intrai in vigori cun s'apositioni de sa sinnalètica netzessària a incuru de s'Ufìtziu Tècnicu Comunali, comentu est prevididu de su Còdixi de sa Strada e de su Regulamentu suu de esecuzioni.

Su chi si òcupat de is servìtzios de Politzia Stradali, sighendi s'art. 12 de su C.d.S., est incarrigau de fai respetai custa ordinàntzia.

Is chi non dd'ant a fai sunt punius segundu su chi narat sa lei.

Sighendi s'art. 37 comma 3 de su C.d.S., D.lgs. n° 285/1992, contra de custa ordinàntzia (sceti po sa apositioni de sa sinnalètica), si podit fai ricursu, intra de 60 diis de sa publicatzioni a su Cuadru Pretòriu de s'Enti, a su Ministeru de is Infrastruturas e de is Trasportus in sa manera inditada in s'art. 74 de su Regulamentu de Esecuzioni de su C.d.S., D.P.R. n° 495/1992.

Contra de custa ordinàntzia si podit fai ricursu, intra de 60 diis de sa publicatzioni a su Tribunali amministrativu Regionali de sa Sardìnnia o intra de 120 diis a su Presidenti de sa Repùblica

**Sa Responsàbili Area 5 Politzia locali -Suape**

(Dott.ssa Barbara Poddi)

F.M.